



Close to Home



E hanga ana a Eleanor i tētahi oranga mākohakoha, manaaki hoki



He rawe ki a Eleanor ngā mahi ā-rehe i tōna kāinga i Mosgiel

Mai i ngā pēpē whānau wawe, ki te hunga e tata ana ki te matenga, e hia rau te hunga o Ōtākou kua whai hua i te ngākaunui o Eleanor – me tana kaingākau ki te nitiniti me te tuimāwhai.

Ā, kāti koina noa te timatanga o te pānga nui whakaharahara a tēnei wahine o Mosgiel i runga i te

hunga e tūtata ana ki a ia. Kua huakina hoki e ia tōna kāinga – me tōna ngākau – mā te tū hei matua whāngai i te wehenga o ōna ake tamariki i te kāinga.

“Ko au hoki tētahi tamaiti whāngai nōku e 2 tau noa iho te pakeke. Nā ngā tāngata rā ahau i āwhina, nō reira he aha au e kore nei e pērā anō? He rawe ki ahau ia mineti. Heoi ko tāku, he tautoko noa i ngā wā o te raru,” hei tā Eleanor.

PĀNUI TONU KI TE WHĀRANGI 02

Ngā mihi o te tau, kia hāneanea te raumati

I te tatanga ki te hiku o te tau, kei te hiahia au ki te tuku mihi, kia haumaruru te noho, kia hākoa te raumati.

I ēnei tau e 2 nei, he uaua mō tātou katoa, otirā ko te wehi i te māuiui, te pānga o te aituā, me ngā whakararu o te noho taratahi me ngā rāhuitanga. Kua rongo a Kāinga Ora me āna kaimahi i te pānga nui hoki, ki ō rātou oranga, ngā hātepe me te auau o te panoni i ngā tikanga mahi. I urutau hoki rātou ki ngā tūranga hou i te wā o te pikinga o te hiranga o te whaipānga ki te oranga o te hunga neke atu i te 200,000 tāngata o Aotearoa.

E hia mano tāngata me ngā whānau kei roto i ō mātou kāinga, otirā e hiahia ana rānei ki te noho i ō mātou kāinga. Koinā mātou e whakatū whare nei, me te whakapai ake i ngā kāinga onāiane, kia mahana, kia maroke, kia hauora, otirā kia haumaruru hoki.

He mahi nui, otirā mai i a mātou o Kāinga Ora, e mihi ana ki a koe mō te āwhina i a mātou i roto i ā mātou mahi, ina koa mō te whakatau i ā mātou kaimahi me ngā kaikirimana ki roto i tō kāinga.

PĀNUI TONU KI TE WHĀRANGI 02

MAI I TE WHĀRANGI 01

E hanga ana a Eleanor i tētahi oranga mākohakoha, manaaki hoki



Ina pātai koe ki te wahine nei, e 79 ōna tau, tokohia te hunga e karanga ana i a ia hei Māmā, ka mutu tana kaute i te 10.

Tāpiri ki āna tamariki tokorima ake, kua whāngaihia, kua tautokona hoki e Eleanor te huhua tamariki puta noa i ngā tau, otirā ka noho hei Māmā ki a rātou katoa. Ināianei, he kuia ia, he tipuna wahine hoki, ā, me te poi poi hoki i tana kurī nāna i whakaora a Otis, me tana poti whakaora a Paris. “He nui taku aroha hei tuku haere,” hei tāna.

Ināianei ka āwhina ia i te huhua tangata mā roto i tana mahi kaingākau o te tuitui me te tuimāwhai, otirā e pokea ana e te nitinini pōtae mahana, hingarei me ngā kākahu mō ngā pēpē whānau wawe i te hōhipera, me ngā koti mō te hunga kore kāinga, ā, me te tuimāwhai i ngā paraikete mā te puni pairuri.

“E pokea ana ahau. He nui rawa aku mahi, tē whai wā ki te haere ki wī ki wā,” me tana kata anō. “He rawe ki ahau ki te tuku taonga ki te tangata, me te kite i te āhua i runga i ō rātou kanohi.”

He mea kuhu a Eleanor ki te mahi nitinini nōna e kōtiro ana, nā tētahi kaiako i kite i tana pitomata ia i kuhu.

“He tīpaopao kupu ahau, otirā i aua wā, kāore rātou i aro mai ki ahau ki te kura. I pōhēhē te hunga rā, he pōturi ahau ki te ako. Engari i whakanōhia au ki tētahi akomanga ‘motuhake’, i kite

ai te kaiako i taku kaingākau ki te nitinini, ā, nāna au i whakaako ki te nitinini me te tunu – nāna ka huri taku ao.”

Ka hoki a Eleanor pakari nei ki te kura tuarua i te wā hoki o āna ake tamariki, ka ako ki te pānui me te tuhituhi hei ākongā pakeke.

“He rawe ki a au te ako. Ka timata aku akoranga rorohiko hei tērā wiki, otirā ka whāia e au te mātauranga.”

Kua 18 tau a Eleanor e noho ana ki tōna whare Kāinga Ora ki Mosgiel, otirā hei tāna, ko te neke ki taua whare ngā āhuatanga tētahi o ngā mea mīharo rawa o tōna oranga.

“He rawe aku hoa noho tata. Ka tiaki anō mātou tokowhā i a mātou anō. I te wā i pā te roro ikura ki a au i tērā tau, nā tētahi o rātou a Otis i tiaki, ā, nā tētahi atu a Paris i tiaki. Ka āta tiaki mātou i a mātou.”

E kī ana a Eleanor, nā ōna kāwai Kōtimana, Airihi hoki i hākoakoa ai tana tirohanga ki te ora.

“He iwi manawanui mātou. E kore e hoki mā te waewae tutuki – mā te ūpoko pakaru rā anō. Ko taku kōrero ki taku tāina inā tata nei, i puta ora māua. Ko tōku oranga, kāore ōna hapa i roto i ōku whakaaro.”



MAI I TE WHĀRANGI 01

Ngā mihi o te tau kia hāneanea te raumati

I a mātou e huritao ana i te wā e whakamahere ana mō te 2023, ko te manako ka hāneanea tō noho me tō pānaina, mō te manako hoki kia hua mai he tauhou pai mōu.

Mā te wā

**Andrew McKenzie
Tumu Whakarae**



Ko MoneyTalks he ratonga kore utu e āwhina ana i a koe ki te whakahaere i ō moni

Ka taea e koe te tautoko kore utu, kore whakawā hoki ki te whakarite mahere pūtea, me te whakahaere nama mā te haere ki moneytalks.co.nz mō ētahi atu mōhiohio, rauemi me te paku kōrero.

Īmēra ki help@moneytalks.co.nz, waea ki 0800 345 123, pātuhi ki 4029, me rapu pou whakaruruhau ahumoni tūtata ki a koe rānei i moneytalks.co.nz/find-help-now.